

四庫全書

子部

欽定四庫全書

記纂淵海卷六十三

宋 潘自牧 撰

言語部

總叙言語

經言行君子之樞機 亂之所生也則言語以為階

誣善之人其辭游失其守者其辭屈並惟口出好興戎

惟口起羞並君子約言小人先言 言語之美穆穆

皇皇並有德者必有言有言者不必有德 詩書執禮

皆雅言也

並語

子與人善言煖於布帛傷人之言深於矛戟

荀子

孟浪之

言

莊子

言不經非言也

言重則有法言輕則招尤

並揚子

人有多言者猶百舌之聲人有少言者猶不脂之婦也

淮南子

揅中心之所欲通諸人之嘽嘽者其如言言心聲

也

揚子

史言身之文也

左傳二十八年

叔向曰辭之不可以已也如是

子產有辭諸侯賴之若之何其釋辭也

左襄三十一

貌言華

欽定四庫全書

記纂淵海卷六十三

宋 潘自牧 撰

言語部

總叙言語

經言行君子之樞機 亂之所生也則言語以為階

誣善之人其辭游失其守者其辭屈並惟口出好興戎

惟口起羞並君子約言小人先言 言語之美穆穆

皇皇並有德者必有言有言者不必有德 詩書執禮

皆雅言也

並語

子與人善言煖於布帛傷人之言深於矛戟

荀子

孟浪之

言

莊子

言不經非言也

言重則有法言輕則招尤

並揚子

人有多言者猶百舌之聲人有少言者猶不脂之婦也

淮南子

捺中心之所欲通諸人之嘑嘑者莫如言言心聲

也

揚子

史言身之文也

左傳二十八年

叔向曰辭之不可以已也如是

子產有辭諸侯賴之若之何其釋辭也

左襄三十一年

貌言華

也至言實也苦言樂也甘言疾也商君傳誠有味其言也

西漢鄭當時傳臣宣呐鈍于辭鮑宣傳

集言語階亂

補正平賦

語到磨圭角

元微之

本朝言不可以不重也子不見鐘鼓乎叩之然後鳴鏗
鉤鐘鞀人不以為異也若不叩自鳴人孰不以為妖耶
可以言而不言猶叩之不鳴亦為廢鐘鼓矣還書有意而
言意盡而言止者天下之至言也東坡

謹言

經山下有雷頤君子以慎言語 擬之而後言

並猶胥

顧于箴言其發有逸口

書

慎爾出話

君子無易由言

耳屬于垣

並詩

君子寡言而行以成其信

記

君子於其言

無所苟而已矣

語

子多言數窮不如守中

老子

言有召禍

揚子

后稷之廟有金

人焉三緘其口而銘其背曰古之謹言人也無多言多

言多敗口是禍之門

家語

口可以食不可以言

谷子

言而非

仁之中也則其言不若其默也其辯不若其訥也

荀子非相

言語在口譬含鋒刃不可動故天有卷舌之星人有緘

口之銘

列子

言出不復追其猶射也懸機未發則猶可止

矢一離弦雖欲反之不得也言者風也無足而行無翼

而飛不可易也

劉子

傳記舌者兵也出言不當反自傷也

說苑

言猶射也括既

離弦雖有所悔不可從而退也

同上

史口無惡言

東漢卓茂傳

平均與人言若不出口世號囁嚅

翁

唐書竇韋策傳

集白圭尚可磨斯言為易緇

選詩

舌端之孽慘乎楚鐵

劉賓

客

五刃之傷藥之可平一言成疴智不能明我口之

啓爾心之捫無為我兵當為我藩以慎為鍵以忍為闔可

以多食不可多言口兵之起其刑渥焉

並同上

徒見婁

敬掉而獲爵不見魏其齧以可悲

李德裕

不知言之人烏

可與言

韓文

寡言

經吉人之辭寡

易

君子約言

記

史顧雍為丞相平尚書事雍為人寡言吳主亦曰顧公

在坐使人不樂其畏憚如此

吳志

徐羨之風度詳整時然

後言

晉恭紀

王獻之嘗與兄徽之操之俱詣謝安二兄多

言俗事獻之寒溫而已既出客問安王氏兄弟優劣安

曰小者佳客問其故安曰吉人之辭寡以其少言故知

之阮千里見戎戎問曰聖人貴名教老莊明自然其

旨同異瞻曰將無同戎即辟之時謂之三語掾

並晉書

謝

安嘗稱美王濛云王長史語甚不多可謂有令音

晉王濛傳

衛玠多病體羸母常禁其語遇有勝日親友時請一言無不咨嗟以為入微瑯琊王澄有高名每聞玠言輒歎

息絕倒

衛玠傳

傳記吉人之辭寡若含鋒刃而不敢動也

白氏六帖

多言

經躁人之辭多

易

小人先言

詩

子多言數窮

老子

禍莫大于多言

文中

多言德之賊也

多言不可與遠謀機易泄

並同上

人有多言猶百舌之聲

也

淮南子

蝦蟆蛙鼃日夜而鳴舌乾擗然而人不聽之今

鶴經時夜而鳴天下振動多言何益惟其言之時也

墨子

史子產曰竈馬知天道是亦多言矣

左

仲尼曰賜不幸

而言中是使賜多言者也

同上

司馬牛多言而躁

史記多語

耗氣

劉洎傳

集人有多言者百舌之聲也

文粹

蛙鼃鳴無謂閭閻祇亂

人

韓詩

言不徒發

經弔喪弗能賻不問其所費問疾弗能遺不問其所欲
見人弗能館不問其所舍 君子問人之寒則衣之問
人之饑則食之

並記

子蝦蟆蛙鼃日夜而鳴舌乾擗然而人不聽之今鶴經
時夜而鳴天下振動多言何益惟其言之時也

墨子

得萬

人之兵不如聞一言之當

淮南子

史東方朔曰談何容易

漢西

晏子曰君子有信其有以知

之矣

左昭二年

衛玠多病體羸母常禁其語遇有勝日親友

時請一言無不咨嗟以為入微琅琊王澄有高名每聞

玠言輒歎息絕倒

晉書

傳記謝太傅一生言未嘗誤

世說

集不知言之人烏可與言

韓文

善於言語

經言滿天下無口過

孝

出其言善則千里之外應之

易

辭之輯矣民之洽矣辭之懌矣民之莫矣

詩

子贈人以言重於珠玉

荀子

魯哀公欲西益宅史爭之以

為西益宅不祥哀公作色而怒左右數諫不聽乃以問其傅宰折睢曰吾欲西益宅而史以為不祥子以為如何宰折睢曰天下有三不祥西益宅不與焉哀公大悅而喜頃復問曰何謂三不祥對曰不行禮義一不祥也嗜慾無止二不祥也不聽強諫三不祥也哀公默然深念憤然自反遂不敢西益宅

淮南子

史楚子玉請戰晉欒枝對曰楚君之惠未之敢忘是以此為大夫退其敢當君乎既不獲命矣敢煩大夫謂

二三子敬爾君事詰朝相見

左傳二十八年

君子曰仁人之言

其利博哉晏子一言而齊侯省刑

左昭三年

晉叔向適鄭鄭

黻蔑立于堂下一言而善叔向曰子若無言吾幾失子

言之不可以已也如是

同上

趙王新立秦急攻趙趙求救

于齊齊曰必以長安君為質兵乃出太后不肯大臣强

諫后曰復言者老婦必唾其面左師觸龍見后盛氣而

待之左師曰老臣賤息舒祺竊愛之願及未填溝壑而

託之太后曰丈夫亦愛少子乎曰甚於婦人老臣竊以

為媼之愛燕后賢於長安君太后曰不若長安君之甚
左師曰父母愛子則為之計深遠今媼尊長安君之位
而不及今令有功于國一旦山陵崩長安君何以自託
于趙老臣以媼為長安君之計短也太后曰諾恣君之
所使之於是質於齊

史趙世家

王澄曰胡毋彥國吐佳言如

鋸木屑罪罪不絕後進領袖也

樂廣善談論每以約

言析理以厭人之心

並晉書

趙王聞出為燕軍所獲燕將囚

之欲求割地使者往請燕輒殺之有廝養卒走燕壁見

燕將曰君知張耳陳餘何欲曰欲得其王耳趙養卒笑
曰君未知此兩人所欲也夫武臣張耳陳餘杖馬箠下
趙數十城亦各欲南面而王豈欲為卿相終已耶今君
乃囚趙王此兩人名為求趙王實欲燕殺之此兩人分
趙自立夫以一趙尚易燕况以兩賢王左提右挈而責
殺王之罪滅燕易矣燕將乃出趙王養卒為御而歸秦紀
焦和清談干雲東漢孔公緒清談高論噓枯吹生同曹操
執陳宮曰奈卿老母何曰宮聞以孝治天下者不害人

之親老母存否在明公不在宮也操曰奈卿妻子何宮
曰臣聞施仁政於天下者不絕人之祀妻子存否在明
公不在宮也

漢獻紀

孔融高談清雅盈溢官曹可玩而誦

東漢

雍州言新豐縣東南有山踴出俞文俊上書天氣不

和而寒暑併人氣不和而疣贅生地氣不和而堆阜出

今陛下以女處陽位反易剛柔故地氣隔塞而山變為

災陛下謂之慶山臣以為非慶

唐武后

李昭德言于太后

曰天皇陛下之夫皇嗣陛下之子陛下身有天下當傳

之子孫為萬代業豈得以姪為嗣乎自古未有姪為天

子姑立廟者也

同上

上謂李泌曰今用卿欲與卿有約卿

慎勿報仇有恩者朕當為卿報之對曰臣素奉道不與人為讐李輔國元載皆害臣者今自斃矣素所善及有恩者率已顯達或零落臣無可報也泌曰李晟馬燧有大功于國聞有讒之者雖陛下必不聽然臣今日對二人言之欲其不自疑耳晟燧富貴已足苟陛下坦然待之使其自保無虞國家有事則出從征伐無事則入奉

朝請何樂如之故臣願陛下勿以二臣功大而忘之二臣勿以位高而自疑則天下永無事矣晟燧皆起泣謝

唐德宗

帝苦溽暑命宮苑使王允平別建一樓以清暑宦

者曰郭崇韜常不伸眉為孔謙論用度不足然陛下雖欲營繕終不可得乃遣中使語之曰今歲盛暑異常朕昔在河上與梁人相距行營卑濕被甲乘馬親當矢石猶無此暑今在深宮之中而暑不可度奈何對曰陛下昔在河上勦敵未減深念讐恥雖有盛暑不介聖懷今

外患已除海內賓服故雖珍臺間館猶覺鬱蒸也陛下

儻不忘艱難之時則暑氣自消矣帝默然

唐莊宗

以三寸

舌為帝者師

賈山借秦為諭名曰至言

並西漢

失言

經曰圭之玷尚可磨也斯言之玷不可為也

詩

不可與

言而與之言失言

言未及之而言謂之躁未見顏色

而言謂之瞽

並語

子未同而言觀其色赧赧然士未可以言而言是以

言飮之也可以言而不言是以不言飮之也

孟子飮音忝謂取之

也一言而非駟馬不能追

鄧析子

交淺而言深亂也

淮南子

史墜言於吳

西漢鄒陽傳蘇林曰墜失也

關內大雨四十餘日京師

民相驚言大水至百姓奔走大將軍鳳以為太后與上

及後宮可御船令吏民上長安城以避水王商獨曰何

因當有大水暴至此必訛言也有頃長安中稍定問之

果訛言鳳大慚自恨失言

通鑑漢成紀

王渾妻鍾氏嘗與渾

共坐子濟趨庭而至渾欣然曰生子如此足慰人心琰

笑曰

鍾氏名琰

若新婦得配參軍

渾第

生子固不當如此耳

晉書

列女傳

傳記出言不審駟馬不能追也

世說

失問

子魯侯欲以孔子為司徒將召三桓而議之左丘明曰
周人有愛裘而好珍羞者欲為千金之裘而與狐謀其
皮欲為少牢之珍而與羊謀其羞言未卒狐相率逃於
重丘之下羊相呼藏於深林之中故周人之謀失之矣

今君欲以孔丘為司徒召三桓而議之亦與狐謀表與

羊謀羞哉

符子

史內史叔興曰君失問是陰陽之事非吉凶所生

左僖十年

董仲舒曰昔魯君問柳下惠吾欲伐齊曰不可歸曰伐

國不問仁人此言何為至於我哉

前漢

集晉文公既受原於王而難其守問寺人勃鞞以畀趙
衰余謂守原政之大也不宜謀及嬖近以忝王命而晉
君擇大任不公議於朝而私議於宮不博謀於卿相而

獨謀於寺人雖或衰之賢足以守國之政不為敗而賊
賢失政之端由是滋矣嗚呼得賢臣守大邑則問非失
舉也蓋失問也然猶羞當時陷後代況於問與舉又兩失者

柳文

持論

經出言有章

詩

史議論通古今喟然動衆心

西漢鮑宣傳

為人長美言

西漢郊祀

志馬援善述前事皇子諸王聞者皆屬耳忘倦

後漢

子真

持論感起昏俗

東漢崔寔傳

衛玠好言玄理遇有勝日親友

時請一言無不咨嗟以為入微晉書岑文本謂所親曰馬

君論事會文切理無一言可損益聽之纒纒令人忘倦

蘇張終賈應止此耳唐書李德裕謀議援古為質滾滾可

喜

本傳

集置言成範

選昭王碑

立言必雅

選集序

議論有餘地杜詩持論

峯巒峻

劉賓客

談辯

附游說

子公孫龍困百家之智窮衆口之辯

莊子

史有君子甚言

左昭二
十六年

談辯如濤侯公天下辯士所居

傾國

史記項
羽紀

毛遂至楚定從而還平原君歎曰毛先生

以三寸之舌強百萬之師

史記

淳于髡多辯數使諸侯未

嘗屈辱

史滑
稽傳

齊田單攻聊城不下魯仲連乃為書約之

矢以射城中遺燕將書曰吾聞之知者不倍時而棄利

勇士不怯死而滅名忠臣不先身而後君今公行一朝

之忿不顧燕王之無臣非忠也殺身忘聊城而威不信

於齊非勇也功敗名滅後世無稱焉非智也三者世主

不臣說士不載故智者不再計勇士不怯死今死生榮辱貴賤尊卑此時不再至願公詳計而無與俗同燕將見魯連書泣三日乃自殺聊城大亂田單遂屠聊城

史記

魯仲連

飾辯辭設詐謀馳逐於天下以要時勢者謂之游

說

漢紀荀悅

齊王使淳于髡獻鵠於楚出邑門道飛其鵠徒

揭空籠造詐成辭往見楚王曰齊王使臣來獻鵠過於水上不忍鵠之渴出而飲之去我飛亡吾欲刺股絞頸而死恐人之議吾王以鳥獸之故令士自殺傷也鵠毛

物多相類者吾欲買而代之是不信而欺吾王也欲赴

他國奔亡痛吾兩主使不通故來服過楚王曰善齊王

有信士

史滑稽傳

六國既定從張儀能明其說復解散諸侯

太史公自序

陸賈天下名為有口辯士使南越尉佗曰越中

無足與語至生來令我日聞所不聞賜千金稱臣奉漢約

史本傳

隋何曰陛下使何淮南至如陛下之意是使何之

功賢於步卒五萬騎五千也

史記

漢王復使侯公往說項

王項王乃與漢約中分天下割鴻溝以西者為漢鴻溝

以東者為楚項王許之即歸漢王父母妻子漢王乃封

侯公為平國君曰此天下辯士所居傾國故號為平國

君

史記項羽紀

言若懸河

通鑑隋煬帝

陳餘遺章邯書曰白起為

秦將南征鄢郢北伐馬服攻城畧地不可勝計而竟賜

死蒙恬為秦將北逐戎人開榆中地數千里竟斬陽周

有功亦誅無功亦誅

通鑑秦紀游說

隋何至九江王見之隋何

曰漢王使臣敬進書大王御者竊怪大王與楚何親也

楚不如漢其勢易見也今大王不與萬全之漢而自託

於危亡之楚臣請與大王提劍歸漢漢王必裂地而封

大王又況九江必大王有也九江王曰請奉命

通鑑漢高紀游

說辯士蒯徹說信曰且酈生一士伏軾掉三寸之舌下

齊七十餘城將軍以數萬衆歲餘乃下趙五十餘城為

將數歲反不如一豎儒之功乎

同蒯徹知天下權在信

乃說信曰蓋聞天與弗取反受其咎時至不行反受其

殃韓信曰漢主遇我甚厚吾豈可以鄉利而背義乎蒯

生曰始常山王成安君為布衣時相與為刎頸之交後

爭張廌陳澤之事常山王殺成安君泚水之南首足異

處此二人相與天下至驩也然而卒相擒者何也患生

於多欲而人心之難測也

通鑑漢高紀

立秦南海尉趙佗為

南粵王使陸賈即授璽綬與剖符通使

通鑑漢惠紀游說

隋何至

九江見英布曰臣請與大王提劍而歸九江王曰奉命

楚方責布發兵何直入曰九江王已歸漢楚何以得發

兵殺楚使

西漢本傳

飛談卷霧

晉書韓伯傳贊

裴遐善言玄理晉辭

清暢冷然若琴瑟嘗與河南郭象談論一座嗟服

晉書

單

子春謂管輅曰吾欲自與卿旗鼓相當於是論難鋒起

而輅答對之皆有餘至日暮

魏志

裴頠辭論豐博時人謂

頠為言談之林數

晉書本傳

裴楷善宣吐左右屬目聽者忘

倦

同上

謝靈運辭義鋒起王惠嘗與之談荀伯子曰靈運

固自蕭散直上王郎有如萬頃波焉

宋書

鄭元璫口伐可

斥

唐書本傳

傳記抵掌而談

戰國策

裴僕射善談名理渾有雅致張茂

先論史漢靡靡可聽

世說

郭子元言議如懸河瀉水注之

不竭裴公之談終日不絕

同上

戰國馮說雲踴人持弄丸

之辯家挾飛鉗之術劇談者以譎誑為宗利口者以寓

言為主若史記載蘇秦合從張儀連衡范雎反間而相

秦魯連解紛而全趙

知幾史通

田駢好談論時號曰天口

十畧

集劇談戲論扼腕抵掌

左太冲蜀都賦

四海齊鋒一口所敵

魏賦

剖析毫釐擘肌分理

選西京賦

飛辯騁辭

選薦表

談片言而求三輔一說而定五州

選策文

辯析天口

選令

辯言之艷能使窮澤生流枯木發榮

選行狀

飛辯騁辭溢

氣全涌解疑釋結臨敵有餘

孔文舉薦
稱衡表

高談雄辯驚四

筵

杜詩

談論淮湖濟

同上

高談滿四座

李太白集

詞鋒犀利

劉賓客

談笑多味

詞鋒不可摧

並同上

辯如懸河

文粹

五岳為詞

鋒其辯若注其論若鋒辭源辯博馳騁古今之際

高步天地之間

並同上

談柄發洪鍾

溫飛卿

一介之辯重於

九鼎之寶三寸之舌強於百萬之師

蔣子萬機論

與之語道

理辯古今事當否論人高下事後當成敗若河決下流

而東注若駟馬駕輕車就熟路而王良造父為之先後

也若燭照數計而龜卜也

韓文選石洪處士序

踔厲風發率當屈

其座人

韓退之作柳宗元墓誌

本朝賓王談鋒敵兩都

笑談謦欬生風雷

談辯如

雲玉塵飛

高談破巨浪

並東坡詩

敏於應對

子晉范獻子殺晉大夫欒枝後出遊恐欒枝之子報也行至津所問舟人曰君見欒枝之子乎舟人曰君修晉之政事欒枝子其若君何君若出入無度我舟中之人

與樂枝之子無異獻子遂以田萬頃賜舟人以貴其言

尸子又
見尹子

史齊伐魯公使展喜犒師齊侯曰魯人恐乎展喜曰小
人恐矣君子則否齊侯曰何恃而不恐對曰恃先王之
命 楚伍參曰事之捷孫叔為無謀矣不捷參之肉將
在晉軍可得食乎 楚子問鼎之大小輕重周王孫滿
對曰在德不在鼎昔夏之方有德也遠方圖物貢金九
牧鑄鼎象物桀有昏德鼎遷于商載祀六百商紂暴虐

鼎遷于周德之休明雖小重也其姦回昏亂雖大輕也成王定鼎于郊鄆卜世三十卜年七百天所命也周德雖衰天命未改鼎之輕重未可問也 宋子明謂桐門

右師曰吾猶衰經而子擊鐘何也右師曰已衰經而生

子余何故舍鐘

並左傳

口對應響無窮者

史張釋之傳

王孫圉

聘于晉趙簡子問曰楚之白珩為寶幾何曰楚之所寶

者曰觀射父能作訓辭左史倚相能道訓典此楚國之

寶也若夫白珩先王之玩也何寶之為

國語

梁王謂齊王

曰寡人有徑寸之珠照車前後各十二乘者十王亦有

寶乎齊威王曰寡人所以為寶者與王異吾有四臣將

以照千里豈特十二乘哉梁王慙齊世家晏子使楚晏子

短楚王曰齊無人耶晏子曰齊命使各有所主其賢者

使賢主其不肖者使不肖主嬰最不肖固宜使楚耳說苑

有專對材西漢王吉傳翔應聲輒對變詐鋒出莫能窮者西漢

本傳明帝問張重曰何郡小吏答曰日南吏帝曰日南郡

人應向北看日答曰臣聞鴈門郡不見累鴈為門金城

郡不見積金為城臣雖居日南未嘗向北看日

東漢靈帝

問侍中楊奇曰朕何如桓帝對曰陛下之於桓帝亦猶

虞舜比德唐堯

東漢

王式曰臣以三百五篇諫是以無諫

書

通鑑漢宣紀

上官桀始以十九得幸為未央殿令上嘗體

不安及愈見馬多瘦上大怒曰令以我不復見馬耶欲

下吏桀頓首曰臣聞聖體不安日夜憂懼意誠不在馬

通鑑漢昭紀

祀孔子於闕里及七十二弟子帝謂孔僖曰今

日之會寧於卿宗有光榮乎對曰親屈萬乘辱臨敝里

此乃崇禮先師增輝聖德至於光榮非所敢承帝曰非

聖者子孫焉有斯言

通鑑漢和帝紀

吳王遣趙咨入謝帝問曰

吳如大夫者幾人對曰聰明特達者八九十人如臣之

比車載斗量不可勝數

通鑑三國魏文紀

鄧艾見宗預曰禮六

十不服戎而卿受兵何也預曰卿七十不還兵我六十

何為不受耶

蜀志

阮孚謂下壺曰卿常無間秦如含瓦石

不亦勞乎壺曰諸君子以道德恢弘風流相尚執鄙吝

者非壺而誰

通鑑晉成紀

馮延巳嘗戲孫晟曰公有何能為

中書郎晟曰晟山東鄙儒文章不如公談諧不如公諂詐不如公然主上使公與齊王遊戲蓋欲以仁義輔導之也豈但為聲色狗馬之友耶晟誠無能如公之能適足為國家之禍耳

通鑑五代
晉高紀

上嘗與杜坦論金日磾曰

恨今無復此輩人坦曰日磾假生今世養馬不暇豈辦見知上變色曰卿何量朝廷之薄也坦曰以臣言之臣本中華高族晉氏喪亂播遷涼土世業相承不殞其舊直以南渡不早便以荒傖賜隔日磾胡人身為牧圉乃

超登內侍齒列名賢聖朝雖復拔才臣恐未必能也上

嘿然

通鑑宋太祖

魏帝甚重齊臣謂羣臣曰江南多好臣李

元凱曰江南多好臣歲一易主江北無好臣百年一易

主

通鑑齊太祖

梁主下詔將還建康胡僧佑宗慄劉穀諫曰

建業王氣已盡荊州當出天子周弘正王褒曰今百姓

未見輿駕入建康謂是列國諸王願陛下從四海之望

時羣臣多荊州人皆曰弘正等東人也志願東下恐非

良計弘正面折之曰東人勸東謂非良計君等西人欲

西豈誠良策

通鑑梁世祖

山人李唐見上方抱幼女謂唐曰

朕念之卿勿怪也對曰太上皇思見陛下計亦如陛下

之愛公主也

通鑑唐代宗

唐僖宗嘗謂優人石野猪曰朕若

應擊毬進士舉須為狀元對曰若遇堯舜作禮部侍郎

恐不免駁放

通鑑唐紀

太后召徐有功迎謂曰卿比按獄失

出何多對曰失出入臣之小過好生聖人之大德太后

默然

通鑑唐武后

李希烈謀稱帝遣人問儀於顏真卿對曰

老夫嘗為禮官所記惟諸侯朝天子禮耳

通鑑唐德宗紀

命蕭

復充山南等道宣慰安撫劉從一及朝士往往奏留復
上謂陸贄曰朕謀於宰相及朝士無謂宜然今乃反覆
如是朕為之悵恨累日意復悔行使之論奏耶贄奏云
蕭復若相屬求則從一等何為容隱從一等稍自回互
則蕭復不當受疑陛下何憚而不辯明乃直為悵恨也
上同先主以伊籍使吳孫權聞其才辯欲逆折以辭籍適
入拜權曰勞事無道之君乎對曰一拜一起未足為勞
蜀鍾會造嵇康康不為之禮良久會去康曰何所聞而
志

來何所見而去會曰聞所聞而來見所見而去

晉書嵇康傳

時梅陶鍾雅數說事祖納輒因之因曰君汝穎之士利

如錐我幽冀之士鈍如槌持我鈍槌捶君利錐皆當摧

矣陶雅並稱有神錐不可得槌納曰假有神錐必有神

槌

晉書祖納傳

袁宏有逸才謝安常賞其機對辯速後宏出

為東陽郡安欲以卒迫試之臨別執其手顧左右取一

扇授之宏輒曰當奉揚仁風慰彼黎庶

晉書

顧悅之與簡

文帝同年而髮早白帝問其故對曰松栢之姿經霜猶

茂蒲柳之質望秋先零

晉書本傳

孫綽作天台賦示范綦期

曰卿試擲地當作金聲綦期曰恐此金石非中宮商

同上

何承天除著作郎年已老而諸佐郎並名家年少荀伯

子嘲之常呼為妳母承天曰卿當云鳳凰將九子妳母

何言耶

宋書

文帝嘗與羣臣臨天泉池帝垂綸良久不獲

王景文越席曰臣以為垂綸者清故不獲貪餌何偃

謂劉琨曰君馬何遲曰騏驎羅於羈絆所以居後偃曰

何不著鞭使到千里答曰一蹴造青雲何至與駕馬爭

路

並同

周盤龍為散騎常侍齊武帝戲之曰卿著貂蟬

何如兜鍪對曰此貂蟬從兜鍪中生耳

齊書本傳

後梁蕭歸

降周武帝自彈琵琶令歸舞周武曰梁王乃能為朕舞

半歸曰陛下既自彈五絃臣何敢不同百獸

後梁書

東魏

以楊愔典選令史唱名誤以盧士深為士琛深自言其

名愔曰盧郎潤朗所以加玉

三國典畧互入因誤成誤

論難鋒生隋

方占對

北史徐廣傳

顏師古仕隋為尉楊素見其年弱曰劇

縣子何以治之師古曰割雞焉用牛刀

隋書

占對華敏

唐書

宇文融神悟警敏應對如響雖天子不能屈

唐書本傳

許敬

宗孫伯彥昂之子也敬宗晚年不復下筆凡大典冊悉伯

彥為之常戲昂曰吾兒不及若兒答曰渠父不如昂父

新唐

書姦臣本傳

盧坦為河南尉杜黃裳為尹召坦立堂下曰某

家子與惡人游破產盡使察之坦曰凡居官廉雖大臣

無厚蓄其能多積蓄者必剝下以致之如其子孫善守

是天富不道之家也不若恣其不道以歸於人坦以為

宜故不察黃裳驚視

新唐書盧坦傳其後李翱作坦傳云吏河南知其捕盜黃裳為河南

尹謂坦曰某家子與惡人游破舊產公為捕盜盡察之也坦仰曰凡居官始終廉白祇入俸錢者雖歷大官亦無厚蓄以傳其能多積財者必剝下以致如其子孫善守之下同見李翱文集

高宗出獵遇雨

因問諫議大夫吾那律曰雨衣若為不漏對曰以瓦為之

必不漏矣

新唐書本傳

陸機詣武子武子前置數斗羊酪指

示陸曰江東何以敵此陸曰有千里萁羹但未下鹽豉

耳時人以為名對

世說

孫綽齋前種一株松高世遠時亦

鄰居語孫曰松樹子非不楚楚可憐但永無棟梁用耳

孫曰楓柳雖合抱亦何所施客有問陳季方曰足下

家君有何功德而荷天下重名季方曰吾家君譬如桂
樹生於泰山之阿上有萬仞之高下有不測之淵上為
甘露所沾下為淵泉所潤當此之時焉知泰山之高淵
泉之深不知有功德與無也

並同上

衛玠見阮瞻嘲之曰

一言可辭何假三阮曰苟是天下名望可無言而辟何

假於一言

衛玠別傳

集應對如轉圜

杜詩

本朝王荊公初參政事下視廟堂如無人一日爭新法

怒目諸公曰公輩坐不讀書耳趙清獻獨折之曰君言

失矣臯契之時有何書可讀荆公默然邵氏晉謝朓知吏

部選事有姓譚者乞官朓曰齊桓滅譚那得有君對曰

譚子奔莒所以有僕

丁用晦
芝田錄

強辯

經禦人以口給屢憎於人語

子因百家之知窮衆口之辯

莊子
秋水

強足以拒敵辯足以

飾非

莊子
盜蹠

趙公孫龍為堅白異同之辯

荀子
後序

史辭勝於理終必受屈

通鑑周紀

言足以飾非

史記殷紀

反言易

辭而成文章

劉向說苑

杜周為廷尉史客曰君為天下決平不

循三尺法專以人主意指為獄周曰三尺安出哉前主所

是著為律後主所是疏為令當時為是何古之法乎

漢西

本持詭辯以中人

西漢趙王彭祖傳

孫楚欲隱居謂王濟曰欲

枕石漱流誤云漱石枕流濟曰流非可枕石非可漱楚

曰所以枕流欲洗其耳所以漱石欲厲其齒

晉書本傳

梁蕭

琛御宴醉伏武帝以棗投琛琛仍取栗擲上正中面帝

曰豈有說耶即對曰陛下授臣以赤心臣敢不報以戰

栗

南史

傳記殷浩語孫安國曰卿莫作強口馬

世說

唇吻

經尚口乃窮也

易

截截善謗言

書

口費而煩易出難悔

記緇衣口多空言包煩數也

子操唇鼓舌

莊子

士憎茲多口

孟子

史釋本而事口舌

史蘇秦傳

息夫躬既親近數進見言事論

議無所避衆畏其口見之側目上疏歷詆公卿大臣曰

丞相王嘉健而蓄縮不可用御史大夫賈延陞弱不

任職左將軍公孫祿司隸鮑宣皆外有直項之名內實

驕不曉政事諸曹以下樸遫不足數西漢本傳嗇夫喋喋利

口捷給前漢張釋之傳以舌得官西漢婁敬傳灌夫罵坐西漢本傳陳湯

利口不軌西漢翟方進傳好訾毀西漢地理志一尊之身三期之間

乍賢乍佞豈不甚哉通鑑漢成紀樊卬頗能弄唇吻而

實無才略通鑑漢獻紀漢桓帝末年甘陵有南北黨人之議

中外承風競以臧否相尚自公卿以下莫不畏其貶議

通鑑
東漢

好議論人長短妄是非正法

東漢馬援傳

品覈公卿裁

量執政

東漢黨錮傳

集街談巷議彈射臧否剖析毫釐譬肌分理所好生毛

羽所惡成創痛

東京賦

一心百舌何紛紛

文粹

舌端萬變乘

春輝

同上

利嘴迎人看不得

劉賓客

弄口鳴舌

百葉書抄

巧言

經無以利口亂厥官

書

盜言孔甘亂是用餗

詩

巧言如

簧顏之厚矣

同巧言亂德語

子惡利口恐其亂信也

孟子

史巧言醜詆

西漢劉向傳

李林甫忌文學士啗以甘言而陰

陷之

通鑑唐玄宗紀

謗訕

經惡居下流而訕上者

語

史入則心非出則巷議

史記秦始皇

敢為妖言以亂黔首

同上

不入言而腹非

西漢食貨志

流言飛文譁於民間

前漢

反唇腹

誹

南史

揚震曰損辱清朝塵點日月

通鑑東漢

本朝日月遭虧蔽

歐公詩

謗毀

經流言于國

書

叔孫武叔毀仲尼

語

子昔直不疑未嘗有兄而讒者謂其盜嫂第五倫三娶

孤女而世人稱其答婦翁此聽虛而責響悖情倒理誣

罔之甚也

劉子

史鄭子產作丘賦國人謗之曰其父死於路已為蠶尾

傳左有蜚語為惡言聞上史灌灌夫謂李賢曰平生毀程

不識不直一錢西漢灌論議不右方進西漢翟方進傳

孔子大聖不免武叔之毀子路至賢猶有伯寮之愬東漢

列女橫被口語西漢楊羊祜不附結王戎王衍二人多

毀祜時人為之語曰二王當國羊公無德通鑑樂毅

王佐而被謗書邴邴善屬文洛中貴人拜職多憑邴作

謝表章有一貴勝初授官表翻與邴俱在坐翻意主人

託其為謝表命邴作之翻不悅每告人云邴家小兒當

客作表自買黃紙寫送之

北史

先是策賢良李宗閔牛

僧孺皇甫湜條對甚直考第其策同居第三權幸惡其

詆已而不中第者乃注解其策同為唱誹

唐書

傳記魏文侯令樂羊將攻中山三年而拔之樂羊反論

功文侯示之謗書一篋

春秋後語

集玉變為石珠變為礫毀謗使然也

論衡

積毀銷骨

江文通書

吠堯謗舜

燕公集

大聖不過周孔然猶管蔡謗於前叔孫

毀於後

皮日休

緘默

子正其衣冠齊其顏色嘿然而終日不言者子夏之賤

儒也

荀子

人有少言者猶不脂之婦也

淮南子

史括囊不言

西漢公孫賀傳

言君臣邪固當諫諍語朋友邪應

有切磋豈有知其無成而但姜媿咋舌叉手從族乎

東漢

馬援傳

隱情惜已自同寒蟬

東漢杜家傳

上數有宣索仍勅諸

道勿令宰相知泌聞之惆悵而不敢言

通鑑唐德宗

馬肩孫

為中書侍郎時人目為三不開口印門也

通鑑五代高祖紀

窮

治楚王英獄御史寒朗曰歸舍口雖不言仰屋竊歎

通鑑

後漢

集鉗口卷舌

江文通書

正言不發萬國如封

元次山

諤諤非周

含容容類胡廣

徐陵與楊遵彥書

惜身不言仰屋竊歎

李深之文

滑稽

經謔浪笑傲

善戲謔兮不為虐兮

並詩

予父子見老嫗衣衰哭甚父子曰嫗夫誰也曰彭祖父

子曰彭子壽八百而死固不為短可以無恨嫗曰然又

有壽九百而不死者豈不恨耶

父子

父子海上見一物圜

而福且多足曰蝤蛸也又一物差小曰螃蜞也又有一

物其狀亦類前所見而形劇小曰彭越也父子曰所謂

一蜉不如一蜉也

同上

依隱玩世詭時不逢其滑稽之雄

乎

揚子

史談言微中亦可解紛

太史公滑稽傳序

楚優孟嘗以談笑諷

諫楚莊王有愛馬死使羣臣哀之欲以棺槨大夫禮葬

之左右爭之不可孟入殿門仰天大哭曰楚國堂堂何

求不得而以大夫禮葬之薄請以人君禮葬之王曰何
如曰臣請以雕玉為棺文梓為槨榱桷豫章為題槨發
甲卒為穿墻老弱負土齊趙陪立於前韓魏翼衛其後
廟食太牢奉以萬戶之邑

史記滑稽傳

秦二世欲漆城優旃

秦倡朱儒曰善漆蕩蕩冠來不能上即欲就之易為漆

耳顧難為陰室二世笑之

同上

秦樗里子滑稽多智秦人

號曰智囊

史記

東方朔滑稽之雄

西漢本贊

朔給侏儒曰上以

若曹無益於縣官耕田力作固不及人臨衆處官不能

治民從軍擊虜不任兵事無益於國用徒索衣食今欲

盡殺若曹侏儒大恐

西漢東
方朔傳

滑稽則東方朔枚臯

西漢
公孫

弘等

東方朔曰朱儒長三尺餘奉一囊粟錢二百四十

臣朔長九尺亦奉一囊粟錢二百四十侏儒飽欲死臣

朔饑欲死上大笑

西漢
本傳

初曹操攻屠鄴城袁氏父子多

見侵掠而操子丕私納袁熙妻甄氏融乃與操書稱武

王伐紂以姐已賜周公操不悟後問出何經典對曰以

今度之想當然耳後操討烏桓又嘲之曰大將軍遠征

蕭條海外昔肅慎不貢楷夫丁零盜蘇武牛羊可并案

也

東漢孔融傳

初習鑿齒嘗與孫綽共行綽性通率好譏調

時綽在前顧鑿齒曰沙之汰之凡礫在後鑿齒曰簸之

颺之糠粃在前

晉書

太傅始有東山之志桓公見藥中有

遠志公問謝此藥又名小草何以一物異稱謝未即答

郝參軍答曰處則為遠志出則為小草謝公殊有愧色

世說鄧艾口吃語稱艾艾晉文王戲云艾艾為是幾艾鄧

答曰鳳兮鳳兮故是一鳳 桓南郡與殷荊州作危語

桓曰矛頭淅米劍頭炊殷曰百歲老翁攀枯枝顧愷曰井上轆轤安嬰兒殷有一參軍在坐曰盲人騎瞎馬夜半臨深池殷曰咄咄逼人仲堪眇目故也

並同上

沈昭畧

性狂見王景文子約曰汝是王約也何乃肥而癡約曰汝沈昭畧也何乃瘦而狂昭畧大笑曰瘦已勝肥狂又

勝癡

宋書

何承天除著作郎時年已老而諸佐郎並名家

年少荀伯子嘲之常呼為妳母

同上

節度李忠臣因奏對

德宗謂曰卿耳甚大貴人也忠臣曰臣聞驢耳甚大龍

耳極小臣耳雖大乃驢耳也上悅之唐書李濤喜誼諧不

修邊幅

通鑑周世宗

馮道滑稽多智

通鑑周太祖紀

傳記徐晦嗜酒沈傳師善飡楊嗣復云徐家肺沈家脾

真安穩耶

語林

李白戲杜甫詩曰飯顆山頭逢杜甫頭戴

笠子日卓午借問別來太瘦生總為從前作詩苦

樂府解題

本朝祖廣行常縮頭詣桓南郡始下車桓曰天甚晴明

祖叅軍如從屋漏下來

續世說

談詞最詎諧發辯如有神

臨川郭祥正出詩一軸示東坡先自吟誦聲振左右謂坡

曰祥正此詩幾分來坡曰十分祥正驚問之坡曰七分

是讀三分是詩

王直方詩話

張子野以樂章擅名一時宋子

京往見之先令人戲曰尚書欲見雲破月來花弄影郎

中子野屏後呼曰得非紅杏枝頭春意闌尚書耶國

子博士郭忠恕嘗嘲司業聶崇義云近貴全為贖攀龍

只是聾雖然三箇耳其奈不成聰崇義答曰莫笑有三

耳全勝蓄二心陳亞性滑稽知潤州幕中有上官弼

亞所親信任滿將去亞曰何以見教弼曰郎中才行無

玷但調謔過差亞笑曰君乃上官弼也如下官口何弼笑而去進士李居仁盡摘白鬚其友驚曰昔日瞠然

一翁今則公然一婆

並避齊開覽

善滑稽巧發微中旁人抵

掌絕倒而幼安淡然不變色也

東坡集石昌言字幼安

蔡君謨戲

陳亞曰陳亞有心終是惡陳曰蔡襄無口便成哀

張師正倦游錄

黃魯直戲東坡曰昔右軍字為換鵝字韓宗儒性饕每得君

一帖於殿帥姚麟換羊肉數斤可名二丈書為換羊書

矣公在翰苑以生辰製撰紛冗宗儒作簡以圖報書來

人督索甚急公笑曰傳語本官今日斷屠

李宗諤名談錄

不輕然諾

經君子與其有諾責也寧有已怨記子路無宿諾語

史已諾必誠

史游俠傳序

趙國立名義不侵為然諾者也

史陳

餘傳載貫高事

已然諾

西漢灌夫傳師古謂一許人必信之也

自立然諾

西漢張耳傳

得黃金百斤不如得季布一諾

前漢季布傳

布衣相與尚有

沒身不負然諾之信

通鑑漢光武

孫策曰太史子義其心秉

道義重然諾一以意許知已死亡不相負

通鑑漢獻紀

范式

與張元伯為友二人春別京師以暮秋為期元伯以九月十五日殺雞以待母曰相去千里汝何信之也言未

卒而至

後漢書

集共東延州信無慙仲尼諾選詩然諾之信重於布衣

選誄

三孟吐然諾五嶽倒為輕

文誄

不輕許可

經孔子曰今吾於人也聽其言而觀其行

語

史二荀論人久而益信

魏志本傳

本朝狄青討儂智高有因貴近求從青行者青曰從青之士能擊賊有功青不敢不為之奏若往而不能擊賊軍中法重青不敢私也君其思之聞者大駭無復敢言求從青行者其所辟皆青素所與以為可用者人望歸矣南豐雜識用舍行藏仲尼獨許於顏子存亡進退義易不及於賢人坡文

輕於然諾

子輕諾者必寡信


老子

史凡云食言者終為不信棄其前言如食而盡

西漢匈奴傳注

集抗爽言以矯情

班固幽通賦



記纂淵海卷六十三

欽定四庫全書

子部
記纂淵海卷六十四

詳校官中書_臣涂日煥

主事_臣祁韻士覆勘

總校官降調編修_臣倉聖脉

校對官編修_臣于鼎

謄錄監生_臣徐彩

欽定四庫全書

記纂淵海卷六十四

宋 潘自牧 撰

政事部

總論政事

經子張問從政子曰尊五美屏四惡斯可以從政矣

政事冉有季路子曰因民之所利而利之斯不亦惠

而不費乎

語

子衆人熙熙如享太牢如登春臺

老子

孟子曰君子平其

政行辟人可也焉得人人而濟之

孟子

與物為春

莊子

哀公

問政子曰政之急也莫大乎使民富且壽也省力役薄賦歛則民富矣敦禮教遠罪戾則民壽矣公曰欲行夫子之言恐吾國貧子曰愷悌君子民之父母未有子富而父母貧也者子路治蒲三年孔子入境三稱其善曰入其境田疇盡易草萊甚辟溝洫甚治此其恭敬以信故其民盡力也入其邑墻瓦完固樹木甚茂此其忠信以寬故其民不偷也至於庭甚清閒諸下用命此其

言明察以斷故其政不擾也

孔子家語

或曰為政先殺後教

曰天先秋而後春乎

謂之惡政

揚子

史士會將中軍晉國之盜逃奔于秦

子太叔為政不

忍猛而寬鄭國多盜

子產曰政如農功日夜思之思

其始而成其終朝夕而行之行無越思如農之有畔其

過鮮矣晉趙宣子為國政制事典正法罪辟刑獄董道

逃治舊滲本秩禮續常職出淹滯既成以授太傅陽子

與太師賈佗使行諸晉國以為常法

左

伯禽受封之魯

三年而報政太公封于齊五月而報政

史魯世家

子產治鄭

民不能欺子賤治單父民不忍欺西門豹治鄴民不敢

欺三子之才能誰寔賢哉索隱曰子產治鄭仁而且明

故人不能欺之子賤為政清淨彈琴三年不下堂而化

故人不忍欺之西門豹以威化御俗故不敢欺之

史記滑稽

西門豹傳

周公曰夫政不簡不易民不有近平易近民民必

歸之

史魯世家

莫不引領而觀其政

史秦紀

子產相國一年豎

子不戲狎班白不提挈僮子不犂畔二年市不豫賈三

年道不拾遺四年田器不歸五年士無尺籍喪期不令

而治

史循
吏傳

河南守吳公治平為天下第一

史賈
生傳

趙廣漢

為京兆尹召亭長西至界上亭長戲曰至府為我多謝

問趙君亭長既至廣漢與問事畢謂曰界上亭長寄聲

謝我何以不為致問亭長叩頭服實有之其發奸擿伏

如神皆此類也黃霸為潁川太守嘗遣廉吏察民事

戒吏周密勿泄吏出不敢舍郵亭食於道傍烏攫其肉

後吏還霸見迎勞之曰甚苦食於道傍乃為烏所盜肉

吏大驚以霸具知其起居所問毫釐不敢隱 韓延壽
守左馮翊民有昆弟訟田延壽閉閣思過於是訟者親
族相責此兩昆弟深自悔皆自髡肉袒謝願以田相移
終死不敢爭後民莫敢以辭訟自言者 馮野王與弟立
治行相似吏民歌之曰大馮君小馮君兄弟繼踵相因
循聰明賢知惠吏民政如魯衛德化均周公康叔猶二
君 張敞守京兆尹市偷盜多敞乃召偷盜酋長數人
見之責問因貰其罪令致諸偷以自贖偷長曰今一旦

召詣府恐諸偷驚駭願權補吏職敝皆以為吏遣歸休

置酒小偷悉來賀各飲醉偷長以赭汙其衣裾赭赤色也吏

坐里閭閱出者汙赭輒收縛之一日捕得數百人盡行

置法由是市無偷盜前漢書黃霸為潁川太守力行教化

而後誅罰外寬內明得吏民心治為天下第一前漢本傳吏

民稱之不容口西漢趙廣漢傳善政和氣立致猶桴鼓之相應

也西漢李尋傳薛宣所在而治為世吏師王尊為京兆尹

拊循貧弱耜耘豪強龔遂為渤海民有帶持刀劍者

使賣劍買牛賣刀買犢曰何為帶牛佩犢

西漢本傳

賈琮為

交趾刺史巷路為之歌曰賈父來晚使我先反今見清

平吏不敢犯

通鑑漢獻紀

杜畿在河東十六年常為天下軍

通鑑漢獻紀

張建封為政寬厚而有綱紀不貸人以法故其

下無不畏而悅之

通鑑唐德宗紀

侯霸為淮平大尹政理有能

名更始遣使徵霸百姓老弱相携號哭遮使者車或當

道而卧皆曰願乞侯君復留暮年

後漢

賈琮為冀州刺史

舊典傳車驂駕垂赤帷裳迎於州界及琮之部升車言

曰刺史當遠視廣聽糾察其美惡何有反垂帷裳以自

掩塞乎乃命御者塞之百城聞風竦震其餘賊過者望

風解印綬去

後漢

范邠為浚儀令有二人挾絹於市互爭

令斷之各分一半令去後遣人密察之有一喜一愠之

色於是擒之伏罪

後魏書

抱鼓不鳴

東漢董宣傳

卓茂為密令

隣縣及府官以為不治河南太守為置守令茂治自若

數年教化大行路不拾遺

東宏漢紀

延薦為京兆尹政用寬

仁先是邊鳳為尹亦有能名郡人為之語曰前有張趙

後有三王

趙廣漢張敞王尊王章王駿

王行為元城令終日清談而

縣務亦理

曹攄為臨淄令獄有死囚歲夕攄愍之曰

卿等不幸致死新歲人情所重豈不欲暫見家耶衆囚

泣曰若得暫歸死無恨也攄悉開獄出之吏固爭攄曰

此雖小人義不見負自為諸君任之至日相率而還並

無違者一縣嘆服

晉書

夏侯夔為豫州刺史兄亶先經此

任並有恩惠百姓歌曰前兄後弟布政優優 傳琰父

僧祐為山陰令有能名琰為武康令並著能名二縣皆

謂之傳聖時云諸傳有理縣譜 孔顗為長史性使酒

每醉輒彌日不醒然明曉政事醒時判決未嘗有壅衆

咸云孔父一月二十九日醉勝世人一月二十九日醒

也 傅琰仕齊為山陰令時有二野父爭雞琰各問何

以食一云粟一云豆乃破雞得粟罪言豆者

南史

宋世良

為清河太守善政術獄內魯生桃木蓬蒿亦滿每日衙

門虛寂無復訴訟者謂之神門代者至有老人泣而前

曰老人年九十經三十五政府君非惟善政清亦徹底

今失賢者人何以濟莫不攀轅泣涕 劉曠為平鄉令

在職七年風教大洽囹圄草生庭可張羅 高謙之為

河陰令有人囊盛瓦礫指作錢物詐市人馬因而逃去

詔令追捕謙之乃偽枷一囚立於馬市宣言是前詐市

馬賊密遣使心腹察市中私議者有二人相見忻然曰

無復憂矣執送按問悉獲其黨北史宿姦老蠹為斂跡唐書

劉栖楚傳崔咸遷陝號觀察日與賓客僚屬痛飲未嘗醒夜

分輒決事裁剖精明無一毫差吏稱為神 張允濟為

武陽令元武民以牝牛依婦家者久之孳十餘犢將歸而婦家不與牛允濟因令左右縛民牒其首過婦家云捕盜牛者命盡出民家牛質所來婦家不知遽曰此壻家牛我無預即遣左右撤牒曰可以此牛還壻家 柳仲郢為京兆尹政號嚴明後出為河南尹以寬惠為政或言不類答曰輦轂之下先彈壓郡邑之治本惠養

崔郾為唐州刺史治以寬經月不咎一人及涖鄂州嚴法峻誅不貸 子產賢者也為政尚累年而後成 裴

琰之為桐州司戶吏白積案數百乃命連紙進筆為裁
決一日畢既予奪當理而筆詞勁妙名動一州號霹靂

手

唐書

傳記宓子賤治單父彈琴身不下堂而單父治巫馬期
戴星而出戴星而入以身親之而單父亦治巫馬期問
於子賤子賤曰我任人子任力任力者勞任人者逸

韓詩

外傳黃穆為山陽守有德政弟負為武陵守貪穢無行謗

曰天有冬夏人有二黃

襄陽者舊傳

李果為洛陽令公正吏

民畏之有劉兼者夜宿村邸聞戶外曰古今正人李令
見其行事令人破膽我輩可于他縣血食開戶視之無
人乃鬼神也

漢武故事

有一人持一疋絹到市賣遇雨而披

覆後一人求庇廕授一人雨霽當別因爭是我縑太守

薛宣呼騎吏斷各與半使追聽之後人曰君恩縑主稱

冤不已宣因拷問後人伏罪

風俗通

集老安少懷途歌里詠

選碑

垂愛景而字人穆薰風而扇

物仁風飄十地之雄惠露洒二天之渥

駱賓王

剗繁決

劇以通敏彈豪糾黠以沈斷 富庶而教至於無事百
姓扶老提穉載路而歌曰昔吏施施今吏詹詹公能馭
之鈍亦為鋤跖亦為廉始繼以善終優以恬昔民嗷嗷
今民哈哈公能撫之鰥寡有怡流亡既來徭稅先具污
茨盡間嚮覆官倉倉無斗糧公來幾時積粟埋梁嚮
閱官庫庫無尺縑公來幾時山積層層瑞露溶溶降味
公松瑞蓮漪漪合帶公池有公異政神之祚之民歌路
謠冀聞京師

皇甫湜

政化平如水

頃來樹佳政皆已傳

衆口 政用疎通合典則

杜詩

賀公溫恭克脩儼實有立

季野脩四時之氣士元非百里之才撥煩彌閒剖劇無
滯鎬百發克破於楊葉刀一鼓必合於桑林寬猛相濟
弦章適中一之歲肅而教之二之歲惠而安之三之歲
富而樂之然後青衿向訓黃髮履禮耒耜就役農無游
手之夫杼軸和鳴機杼嘖蛾之女物不知化陶然自春
權豪鋤縱暴之心黠吏返淳和之性行者遜於道路任
者併於輕重扶老携幼尊尊親親千載百年再復魯道

非神明博達孰能與於此乎 清風動百里惠化聞京

師 百里雞犬靜千廬機杼鳴 地逐名賢好風隨惠

化春李吏無夤緣以巧法人無怨讟以苦役 宣風一

方覃化一州 德風流海外和氣滿人寰 宿蠹藏姦

吐欵首服

柳丈

春生秋殺陽開陰閉令脩於庭戶數月之

間而人自得於湖山千里之外 老奸宿賊消縮摧沮

魂亡魄喪影滅跡絕 威行如秋仁行如春 斂此大

惠施于一州 持官持身內外斬斬由是朝廷滋欲試

之於民使令家聽戶視奸宄無宿府中不聞急步疾呼

稅節賦詩 櫛垢爬痒民獲蘇醒 地方數千里不

識盜賊山行海宿不擇處所

韓文

赤車所至如春風變枯

責實繩下風稜言言 黠吏斂手齊民揚眉 執直

筆閱簿書紛拏盤錯一瞬而剖

劉賓客集

育物如春化人如

神

唐裴度撰諸葛亮碑

歌謠千里春長暖

剔刮根節銷磨頑礦

日教月化水順雪釋 手携暴虎貪狼化為耕牛乘馬

渤海潁川之治邵父杜母之恩 千里封疆百口歌

詠 壺漿迎路襁負攀車 政聲長與江聲在自到津

樓日夜聞 印組榮光馬銕鉞看解牛井閭安樂易冠

蓋愜依投政簡稀盈閣功成每運籌

杜牧之集

廓千里之沴

氣

白樂天序

膏雨吾土襦袴吾人 廉平清一之政繼聞于

京師 吏畏如夏日人歸如流水 縣遊分行百里春

膏雨景星所至蒙福

白樂天集

人一知教欣欣熙熙然如

登春臺矣提封之內無榛灌繩墨之下無奸傲 若非

袴襦之惠及其幼稚雞豚之養及其耆艾推赤心置人

腹中者安能化暴戾之俗 西人泣送東人歌迎梁楚

千里風交化行

文粹

臨機決滯有如影嚮

李深之文

雨苗均惠

風草馳聲

李義山文

股肱還入郡父母更臨州扇逐仁風轉

車隨零雨流

張說文

號令所加風清月明

孫可之

惠化境外

春

元微之集

百城萬井如衆草之得陽春不知其所以然也

劉長卿

賴有政聲遠時聞行路傳

宿訟不決之務餘地

剖分疑獄自誣之枉光容立照

王維集

都緣民訟少長覺

吏徒閑

唯憑野老口不立政聲碑

杜荀鶴集

績最天下

唐賈

傳錄邑長不聞夜犬之吠 君長一城亦盡刊刻之美

惠露沾吳仁風扇越 威令首途仁風載路 詠德之

聲盈耳

選碑

本朝富弼移青州會河朔大水民流京東擇所部三州
豐稔者勸民出粟得十五萬斛益以官廩隨所在貯之
得公私廬舍千餘間散處其人以便薪水官吏自前資
待闕寄居者皆給其祿使民所聚選老弱而病瘠者廩
之即山林河泊之利有可取之以為生者聽流民取之

其主不得禁官吏皆書其勞約為奏請使他日得以次受賞於朝五日遺人以酒肉與糗飯勞之出於至誠人
人為盡力流民死者為大冢葬之謂之叢冢自為丈祭
之明年麥大熟流民各以遠近受糧而歸凡活五十餘
萬人募而為兵者又萬餘人富公神道碑趙清獻為武安推
官有偽造印者吏皆以為當死公獨曰造在赦前而用
在赦後赦前不用赦後不造法皆不死遂以疑讞之卒
免死一府皆服 吳越大饑趙清獻公知越州盡所以

救荒之術發廩勸分而以家資先之民樂從焉生者得

食病者得藥死者得藏下令修城使民食其力故越人

雖饑而不怨

東坡撰
神道碑

為政曾幾何清風自無垠

藥城集

誰

與長官歌美政風搖松竹是歡聲

山谷

循良

經子產猶衆人母也

家語

子展禽之家有柳樹身行惠德號曰柳下惠

淮南子

史奉法循理之吏不伐功矜能百姓無稱亦無過行

史循

吏傳

鄭桓公友封于鄭百姓皆便愛之

史鄭世家

王成黃霸

朱邑龔遂鄭弘召信臣等所居民富所去見思生有榮

號死有奉祀廩廩庶幾德遜君子之遺風矣

西漢循吏傳

安

靜之吏惻惻無華日計不足月計有餘

後漢章帝紀

前有召

父後有杜母

後漢杜詩傳

一夫得情千室鳴絃

東漢循吏贊

劉寬

仁恕吏人有過但用蒲鞭責之示辱而已

東漢本傳

韓韶與

同郡荀淑鍾皓陳寔皆嘗為縣長所至以德政稱時人

謂之潁川四長

通鑑漢質紀

鄧攸有惠政罷郡日人入水攀

其船不忍別

晉書

崔伯謙除濟北太守改鞭用熟皮為之

不忍見血示恥而已

北史本傳

陽城左遷道州刺史治民如

治家自署其考曰撫字心勞徵科政拙考下下觀察使

遣判官督其賦至州城先自囚於獄判官大驚馳入謁

城於獄曰使君何罪某奉命來問安否耳留一二日未

去城不復歸館門外有門扇橫地城晝夜坐卧其上判

官不自安辭去其後又遣他判官往按之他判官載妻

子行中道逸去

通鑑唐德宗

集始公之歷二千石也敦肅風教勞來孤惇決其蘊積

洒其煩苛祥風甘露家濡戶洽

李吉甫
杜祐碑

本朝寧書下下考不奉急急符

陳後山

看君擁黃紬高卧

放早衙

坡詩注云文潞公為榆次縣令嘗題詩縣樓鼓
云謾向樵樓一任撾撾多撾少不知它如今幸

有黃紬蓋弩出
頭來放早衙

酷虐

經夫子曰苛政猛於虎

記

子無惻隱之心非仁也

孟子

史王溫舒為河內守捕郡中豪猾相連坐千餘家大者

族小者死流血十餘里會春溫舒頓足嘆曰令冬月益

展一月足吾事矣其好殺伐行威不愛人如此史本傳尹

齊斬伐不避貴戚政聲甚於寧成史本傳姦猾窮治大抵

盡糜爛獄中行論無出者史酷吏楊僕傳法令滋章盜賊多有

諸侯二千石盡放溫舒吏民益輕犯法盜賊滋起史記

郅都嚴酷貴戚號曰蒼鷹為濟南守族滅閭氏 杜周

為廷尉詔獄多二千石繫者新故相因不減百餘人史本

傳

韓非喜刑名極慘礪少恩

史記

張湯見知之法生窮治

之獄用

史平準書

自郅都杜周十人者皆以酷烈為聲王

溫舒為人居廷惛惛不辯至於中尉則心開

史

法煩於

秋荼網密於凝脂

西漢刑法志

舞文巧詆以輔法

前漢張湯傳

杜

周內深刺骨

前漢本傳

馮鈞惡戾虎而冠者也

西漢高五王傳

獄卒

專為深刻殘賊而亡極殮為一切不顧國患此世之大

賊也

西漢路溫舒傳

嚴延年在河南號曰屠伯

西漢本傳

寧成為關

都尉出入關者曰寧見乳虎無值寧成之怒

義縱傳

揺手

觸禁

前漢食貨志

以鷹擊毛摯為治為河南都尉族滅其豪

穰氏

義縱傳

尹賞為長安令獄穿地方深各數丈以劔壁

為郭大石覆之名虎穴

西漢

網密事叢

西漢酷吏傳

析律貳端

深淺不平

西漢宣帝紀師古曰分破律條妄生端緒以出入人罪

持法文深

西漢趙禹

傳文致不可得反

西漢嚴延年傳

旁請他比日以滋益

西漢刑法志傳

師古曰常文之外主者有所請以定罪也謂引它類以此附之

吏民觸法抵禁

西漢匡衡傳

多繫無辜掠立迫恐

谷永傳

諸犯令相引數千人名曰株

連刺斃身無全者

西漢張耳傳

榜

音彭

箠磨於炮烙

谷永傳

寧成

為人上操下急如束濕

西漢本傳

骨肉親屬莫不股栗

杜周傳

樊曄為政嚴猛人有犯其禁者率不生出獄涼州歌曰寧

見乳虎穴不入冀府寺嗟我樊府君安可再遭值

後漢

鍊之吏持心近薄

東漢韋彪傳

斷獄者急於榜格酷烈之痛

執憲者煩於詆欺行濫之文或因公行私逞恣威福

通鑑

漢章帝

迹涉嫌疑辭相引逮莫不窮捕考案至有姦人榮

惑乘險相誣糾告疑似睚眦之嫌即稱有密一人被訟

百人滿獄使殺人如麻流血成淵

通鑑唐武后

王弘義遷殿

中侍御史或告勝州都督王安仁謀反敕弘義按之安
仁不服弘義即於枷上刎其首又捕其適子至亦刎其
首函之以歸道過汾州司馬毛公與之對食湏臾叱毛
公下階斬之槍揭其首入洛見者無不震慄時制置獄
於麗景門內入是獄者非死不出周興與索元禮來
俊臣競為暴刻興元禮所殺各數千人俊臣所破千餘
家元禮殘酷尤甚索元禮等競為訊囚酷法作大枷
有定百脉突地吼死豬愁求破家反是實等名號或以

掾關手足而轉之謂之鳳凰曬翅或以物絆其腰引枷
向前謂之驢駒校枷或使跪捧枷累髀其上謂之仙人
獻巢或使立高木之上引枷尾向後謂之玉女登梯或
倒縣石繩其首或以醋灌鼻或以鐵圈轂其首而加楔
至腦裂髓出者每得囚輒先陳其械具以示之皆戰慄
流汗望風自誣通鑑唐武后太白晝見民有仰視之者為邏
卒所執史弘肇腰斬之通鑑漢隱帝燕榮為幽州總管按部
道次見藪荆堪為笞捶命取之輒以試人人或自陳無

咎榮曰後若有罪當免爾及後犯細過將撻之人曰前

日被杖使君許有罪宥之榮曰無過尚爾況有過乎榜

捶如舊

隋書

索元禮來俊臣之徒澤吻磨牙噬紳纓若狗

虱泥耳籠首枷楔兼暴拉脇截爪懸髮熏目號曰獄持

晝禁食夜禁寐敲撲撻使不得寐號曰宿囚制獄作

鐵籠聲囚首加以楔至腦裂死又橫木闕手足轉之號

曬趨或縛囚梁上縋石於頭來俊臣前後夷千餘族

生平有讎介皆入於死按事百不一貸鞠囚不問輕重

皆注醢于鼻掘地為牢或寢以匭弱或絕其糧大抵非

死終不得出 周興曰囚不服納之大甕熾炭周之何

事不承

唐本傳

王弘義曰我文檄如狼毒野葛始賤時求

傍舍瓜不與乃騰言園有白兔縣為集衆捕逐畦瓜無

遺內史李昭德曰昔聞蒼鷹獄吏今見白兔御史

唐書

李

嵩王旭李全交皆酷京師號三豹

唐書王旭傳

宋越御衆嚴

酷好行刑誅眊眊之間動用軍法

宋書

寧飲三斗醋不見

崔弘度寧灸三年艾不見屈突蓋

北史魏崔弘度傳

羊祉天性

酷忍所經之處人號天狗

唐書

以深刻為奉公

唐高季倫傳

傳記刻深寡恩

戰國策秦

銜鞅內刻刀鋸之刑外深斧鉞之

誅步過六尺者有罰弃灰於道者被刑一日臨渭水而

論囚七百餘人渭水盡赤號哭之聲動於天地

新序

集傷秋荼之密網惻夏日之嚴霜肺石少不寃之民棘

林多夜哭之鬼

文選

抉瑕刺骨

文粹

本朝酷吏所至號鬼車

坡詩

遺愛

經蔽芾甘棠勿剪勿伐召伯所茇

詩

史士鞅曰武子之德在民如周人之思召公焉 仲尼

曰子產古之遺愛也

左

鄭子產死鄭人丈夫舍玦佩婦

人舍珠珥夫婦巷哭三月不聞竽琴之聲

說苑

趙良曰五

穀大夫死秦國童子不歌謠春者不相杵

史商鞅傳

桓公有

封鄭河洛之間人便思之

史鄭世家

欒布為燕相燕齊之間

皆為立社號曰欒公社

漢郊祀志

朱邑病且死屬其子曰我

故為桐鄉吏其民愛我必葬我桐鄉後世子孫奉嘗我

不如桐鄉民及死其子墓之桐鄉民歲時祠祭不絕

西漢

本傳

何武為兗州刺史徙京兆尹所居無赫赫名去後常

見思

西漢

劉陶除順陽長病免吏民思而歌之曰悵然

不樂思我劉君何時復來安此下民

後漢書

秦彭為

開陽城侯後拜潁川太守老弱攀車啼號填道

東觀漢記

鄧

訓遷烏桓校尉卒官吏民羌胡愛惜旦夕臨者數千人

戎俗父母死恥悲泣皆騎馬歌呼至聞訓卒莫不號咷

或以刀自割又刺殺其犬馬牛羊曰鄧使君已死我曹

亦俱死耳

後漢
范曄

郭伋王莽時為并州牧建武中復為牧

伋前在并州素結恩德及後入界有童兒數百各騎竹

馬於道次迎拜伋問兒曹何自遠來對曰聞使君到喜

故來奉迎伋辭謝之及事訖諸兒復送出郭外問使君

何日當還 种暘為度遼將軍薨并涼人咸為發哀單

于每入朝賀望見墳墓輒哭泣祭祀

後漢

趙廣漢疑丞相

夫人殺侍婢乃將吏卒入丞相府召其夫人跪庭下受

辭收奴婢十餘人去帝下廣漢廷尉獄吏民守闕號泣

者數萬人或言臣生無益縣官願代京兆死使趙牧養

小民

通鑑漢宣紀

雒陽令廣漢王渙凡所平斷人莫不悅服

京師以為有神是歲卒官百姓市道莫不咨嗟流涕喪

西歸道經弘農民庶皆設槃按於道路吏問其故咸言

平常持米到洛陽為吏卒所鈔常亡其半自王君在事

不見侵枉故來報恩雒陽民為立祠作詩每祭輒絃歌

而薦之

通鑑漢和紀

蜀人所在求為諸葛亮立廟漢王不聽

百姓遂因時私祭之於道陌上

通鑑魏明紀

狄仁傑為魏州

刺史有惠政百姓為之立生祠後其子景暉為魏州司

功參軍貪暴為患人遂毀其像焉

通鑑唐中宗

劉審交卒吏

民詣闕上書以審交有仁政乞留葬汝州得奉事其丘

壟詔許之州人相與就哭而葬之為立祠歲時享之

通鑑

後漢隱

諸葛瞻亮之子亮卒蜀人思亮之德咸愛瞻才敏

有善政佳事雖非瞻所建皆相告曰葛侯所為也是以

美譽過實

蜀志

羊祜為荊州刺史祜薨立碑峴山百姓見

其碑莫不墮淚號為墮淚碑

祖逖病卒豫州士女若

喪考妣淮梁百姓為之立祠 羊祜卒南州人為之罷

市巷哭者聲相接 王駿都督涼州後薨民吏樹碑讚

述德美長老見碑無不拜之言其遺愛如此

晉書

羊祜卒

參佐劉繪賸杜預曰昔召伯所憇愛留甘棠宣子所游

封殖其樹夫思其人尚及其樹況生存所辟之士便當

隨例放棄者乎

晉書本傳

賈敦頤為洛州刺史有惠政百姓

植碑頌美及敦美為洛州長史又立頌於兄碑之側號

棠棣碑 韓愈貶陽山令有愛在民民生子多以姓字

之唐書本傳

傳記姚元崇牧荊州三年受代日闔境民吏泣擁馬首

遮道不使去所乘之馬鞭銓民間截留之天寶遺事

集桐鄉建遺烈選詩攀車卧轍之戀爭塗忘遠去思一借

之情愈久彌結齊故安陸碑永思清風歎息仁光陳子昂集勿剪

棠猶在劉又文集嘗為縣縣懷其化至於州州濡其澤凡我

子孫莫不戴慕柳文蒞止五載飲和革心束馬來朝熊羆

隕涕問公還期觸必祝之汴人聞公之東近而愈懷

翹翹瞿瞿盡西其首

劉賓客

但愁徵拜日無那借留何

劉長

卿

况茲樂土嘗扇仁風式訪顏毛兼詢憇樹吏盡攀轅

之士民皆遮道之人繇以歲時深在肌骨

李義山文

夢寐仁

風花樹前

元稹集

戎夷野祠祀庶蒼祭

尚馳作諸葛武侯碑

稚老歌

思如丹尚存

杜牧之韋丹碑

本朝韓魏公所歷諸大鎮皆有遺愛人人畫像事之獨

魏人於生祠為塑像歲時瞻奠比狄梁公

三朝言行錄

溫公

薨京師之民罷市而往弔鬻衣以致奠蒼哭以過車者

蓋以千萬數

神道碑

斂怨

經怨有同是叢于厥身

召敵讎不怠

音

斂怨以為德

詩

子怨者禍之首也禍之所生必由積怨積怨之成在於

慮外防怨不密而禍害臻焉

劉子

史華而不實怨之所聚也怨之所聚亂之本也多怨

而階亂何以在位

左

晁錯父謂錯曰口語多怨公何為

也通鑑漢文紀

傳記蓄怨積讎比於丘山

新序

集閑園不解栽桃李滿地惟聞種蒺藜

白侍郎

禍胎怨府

起自子商

李商隱

培斂

經剥牀以膚凶

易

碩鼠刺重斂也蠹食於民貪而畏人

若大鼠也

擇三有事亶侯多藏

箋云昏聚斂之臣

小東大東

杼柚其空

詩

孟獻子曰與其有聚斂之臣寧有盜臣長

國家而務財用者必自小人矣大學季氏富於周公而求

也為之聚斂而附益之語

子我能為君辟土地充府庫今之所謂良臣古之所謂

民賊也孟子聚斂者召寇肥敵亡國危身之道也荀子

史斬刈民力輸掠其聚左頭會箕斂史陳餘傳陸駿徐驎為

大市令並以苛刻為務百賈畏之朱异尤與之昵世謂

之二蠹南史朱异傳旁緣苛禁侵刻小民富者不得自保貧

者無以自存西漢食貨傳賦斂以趣辦西漢薛宣傳言利事析秋

毫

唐敬宗實錄

熬天下之脂膏斲人生之骨髓

東漢王符傳

鹽鐵

使王播自掌鹽鐵正入不充而羨進相次侵求聚斂迫

於星火

唐敬宗實錄

聚斂之臣剥下媚上惟思竭澤不慮無

魚

通鑑唐穆宗

集刻剥及錐刀

杜詩

財已竭而斂不休人已窮而賦愈急

剥膚椎髓公私掃地赤立新舊不相保持

韓文

孰知賦

斂之毒有甚是蛇者乎

柳文

風力

史豪疆熱

之涉反

服之

漢朱博傳又陳咸傳

動搖山岳震懼州縣

西漢

張良傳

豪疆脅息

嚴延年傳

奮髯抵几

西漢朱博傳

貴游懾伏臺閣

生風

晉傳玄傳

權威縮氣

唐魏謩傳

屈突通蒞官勁正有犯法者

雖親無所回縱其弟蓋為長安令亦以方嚴顯時為語

曰寧食三斗艾不見屈突蓋寧食三斗葱不逢屈突通

新唐書本傳

上御五鳳樓酺宴觀者擁塞不得奏金吾白挺

加宣語不能遏上患之高力士奏河南丞嚴安之為理
嚴為人所畏請使止之上從之安之以手板繞塲畫地

曰犯此者死於是盡三日人指其畫以相戒無敢犯者

通鑑唐

玄宗

李巽精於督察吏人居千里之外戰栗如在巽

前

通鑑唐
憲宗

左神策軍吏李昱貸長安富人錢八千緡滿

三歲不償京兆尹許孟容收捕械繫立期使償曰期滿

不足當死一軍大驚中尉訴于上上遣中使宣本軍孟

容不之遣中使再至孟容曰臣不奉詔當死然臣為陛

下尹京畿非抑制豪強何以肅清輦下錢未畢償昱不

可得上嘉其剛直而許之京城震慄

通鑑唐
憲宗

集山陵為之震動川谷為之蕩波

司馬長卿上林賦

無假里端

之籍而惡子咸誅

選碑

野無遺寇

選銘

老姦宿賊消縮推沮

魂亡魄喪影滅迹絕

韓文

當街一叱百夫走馮敬育中丞

乙首兇徒側耳潛愜心悍臣破膽皆杜口

柳詩

擁傳從北

來飛霜日千里

點吏歛手

劉賓客

綉衣柱史何昂藏鐵

冠白筆橫秋霜

李太白集

四面風動一道地裂

文粹

本朝奮髯走猾吏嚼齒對姦將

坡詩

不畏強禦

經維仲山甫不畏強禦

詩

史當官而行何強之有

左

申屠嘉為丞相太中大夫鄧

通方陰幸愛側倨上旁有怠慢之禮嘉為檄召通詣府

不來且斬通通詣府嘉責通曰吏今行斬通通頓首首

盡出血不解

史申屠嘉傳

石奢堅直兼正無所阿避

史記本傳

刻

轅宗室侵辱功臣

史酷吏傳

趙奢為田部吏收租稅平原君

不肯出奢以法治之殺平原君用事者九人

史趙奢傳

搏擊

豪強

西漢翟方進傳

專屬強壯逢氣見事風生無所迴避

西漢趙廣

漢傳刺譏不憚將相誅惡不避豪強 鋤耘豪強西漢王尊傳

郅都為濟南守先誅閭氏三百家豪猾餘皆股栗前漢本傳

鮑永為司隸校尉鮑恢為都官從事抗直不避強禦

李膺為司隸校尉時張讓弟朔貪殘無道懼罪逃匿兄

讓舍藏於合柱中膺知其狀率將吏卒破柱取朔付洛

陽獄殺之 董宣為洛陽令時湖陽公主蒼頭白日殺

人因匿主家主出行而以奴驂乘宣叱奴下車殺之東漢

本傳張綱奏大將軍梁冀日以芻蕘之資居阿衡之任不能

敷揚五教翼贊日月而專為封豕長蛇肆其貪饕上天

不赦大辟宜加書奏京師震恐 元日朝賀梁冀威儀

不整侍御史陳翽請收罪

後漢

司隸王尊劾奏丞相衡御

史大夫譚知石顯等頗擅權勢大作威福為海內患害

不以時白奏行罰而阿諛曲從附下罔上懷邪迷國

蕭咸私謂王閔曰董公為大司馬冊文允執其中此乃

堯禪舜之文非三公故事長老見者莫不心懼

通鑑漢成紀

光武謂諸將曰當備祭遵吾舍中兒犯法尚殺之必不

私諸卿也

通鑑漢
光武紀

實景擅發邊丘騫惑吏民二千石不

待符信而輒承景檄當伏顯誅又奏司隸校尉河南尹

附阿貴戚不舉劾請免官按罪

通鑑漢
和紀

群臣朝賀大將

軍梁冀帶劍入省尚書蜀郡張陵呵叱令出敕羽林虎

賁奪劍冀跪謝陵不應即劾奏冀請廷尉論罪有詔以

一歲俸贖百僚肅然河南尹不疑嘗舉陵孝廉乃謂陵

曰昔舉君適所以自罰也陵曰明府不以陵不肖誤見

擢序不疑有愧色

通鑑漢
質紀

吳樹為宛令之官辭梁冀冀

賓客布在縣界以請托樹樹曰小人姦蠹比屋可誅明將軍處上將位方崇賢善以補朝闕自侍坐以來未聞稱一長者而多托非人誠非敢聞異默然不悅樹到縣遂誅殺異客為人害者數十人

通鑑漢桓紀

下邳周紆為洛

陽令下車先問大姓主名吏數閭里豪強以對紆厲聲

怒曰本問貴戚若馬實等輩豈能知此賣菜傭乎於是

部吏望風旨爭以激切為事貴戚跼蹐京師肅清

通鑑漢章

帝紀韋澳為京兆尹鄭光莊吏恣為閭里患積年租稅不

入澳執而械之

通鑑唐
玄宗紀

蘇良嗣遇僧懷義偃蹇不為禮

良嗣大怒命左右捽曳批其頰數十懷義訴於太后太

后曰阿師當於北門出入南牙宰相所往來勿犯也

通鑑

唐武后

武三思嘗以事屬宋璟正色拒之曰今太后既復

子明辟王當以侯就第何得上干朝政獨不見產祿之

事乎

通鑑唐
中宗紀

太平公主與僧寺爭碾磴雍州司戶李元

絃判歸僧寺刺史竇從一大懼亟命元絃改判元絃大

署判後曰南山可移此判無動從一不能奪

同

宋璟為

吏部尚書李義盧從愿為侍郎皆不畏強禦請謁路絕

通鑑唐

玄宗紀柳渾雖為韓滉所薦正色讓之曰老相公以褊

察為相不滿歲而罷今公又甚焉滉愧為之大霽威嚴

通鑑唐

德宗紀李義府恃寵逼殺大理丞中丞王義方對仗叱義府

令下三叱義府趨出裴諝為金吾時禁屠郭子儀隸

人殺羊諝列奏狀上以為不畏強禦

唐書

傳記趙琰為青州刺史廳置小甕得貴要之書投於其

中

華陽國志

集四達理輪震相威於權右

駱賓王

臺閣以之生風豪貴

由之歛手

陳子昂集

摧宿豪如薙草視大權如歷塊

唐王維文

剛

不避強

陳子昂集

陵善畏惡

經柔則茹之剛則吐之

詩

史王溫舒為人諂有勢者即無勢者視之如遇有勢家

雖有姦如山弗犯無勢者貴戚必侵辱

史酷吏楊僕傳

違強陵

弱非勇也 子產曰火烈民望而畏之水懦弱民狎而

玩之法禁屈撓於執族恩澤不逮於單門

東漢趙壹傳

抑强扶弱

史王尊為京兆尹拊循貧弱鉏耰豪强

漢本傳

嚴延年為

河南守其治務在推强扶弱貧弱雖陷法曲文以出之

其豪傑侵小民者以文内之

前漢

張湯為廷尉所治即豪

强舞文巧詆即下戶羸弱時口言雖文致法上裁察

前漢

本傳師古曰下戶湯欲佐助雖具文奏之而又口奏之得湯言往往釋其人

集貴者雖自貴視之若埃塵賤者雖自賤重之若千鈞

左太冲
詠史詩

任責

經彼君子兮不素餐兮 或盡瘁事國或王事鞅掌

職思其憂詩各司其局 四郊多壘此卿大夫之辱也

君子曰謀人之軍師敗則死之謀人之邑邦危則亡
之記

子食人之祿必憂其事 孔子為魯司寇攝行相事七

日而誅亂政大夫少正卯于兩觀之下家語今有受人之

牛羊而為之牧之者則必為之求牧與芻矣求牧與芻

而不得則反諸其人乎抑亦立而視其死歟抱闕擊

柝者皆有常職孔子嘗為委吏矣曰會計當而已矣

嘗為乘田矣曰牛羊茁壯長而已矣

孟子

史樂書曰不可以當吾世而失諸侯季子曰食焉不

避其難

左 犇舉僚職

西漢叙傳
犇與粗同

李廣當斬贖為庶人與

故潁陰侯屏居藍田南山射獵嘗夜從一騎出從人田

間飲食還至亭霸陵尉醉呵止廣廣騎曰故李將軍尉

曰今將軍尚不得夜行何故也宿廣亭下

西漢

郅惲為上

東城門候帝嘗出獵車駕夜還惲拒闕不開帝令從者

見面於門間惲曰火明遼遠遂不受詔帝乃回從東中

門入

後漢書

羊祜在軍嘗欲夜出軍司徐胤執祭當營門

曰將軍都督萬里安可輕脫將軍之安危亦國之安危

也胤今日死此門乃開耳

晉書本傳

劉行本性剛烈周武時

為掌朝大夫典筆硯承御大夫取以進及行本將進承

御欲取之行本抗聲謂承御曰筆不可得帝驚問之曰

臣既不佩承御刀承御亦焉得取臣筆

隋書

房玄齡以度

支係天下利害嘗有闕求其人未得乃自領之

通鑑唐太宗紀

傳玄每有奏劾或值日暮捧白簡整簪竦踊不寢坐而

待旦由是貴游震懾臺閣生風

通鑑西晉世祖

徐有功為侍御

史有功伏地流涕固辭曰臣聞鹿走山林而命懸庖厨

勢使之然也陛下以臣為法官臣不敢枉陛下法必死

是官矣太后固授之遠近聞者相賀太后出梨花一

枝以示宰相皆以為瑞杜景儉獨曰今草木黃落而此

更發榮陰陽不時咎在臣等

通鑑唐
武后

給事中李藩在門

下制敕有不可即於黃紙後批之吏請更連素紙藩曰

如此乃狀也何云批敕

通鑑唐
憲宗紀

武三思求為太子狄仁

傑每從容言於太后太后曰此朕家事卿勿預知仁傑

曰何者不為陛下家事臣備位宰相豈得不預知乎

通鑑

柳公綽為京兆尹公綽初赴府有神策小將躍馬橫衝

前導公綽駐馬杖殺之明日入對延英上色甚怒詰其

專殺之狀對曰臣職當杖之不當奏上曰誰當奏者對

曰本軍當奏若死於街衢金吾街使當奏在坊內左右巡使當奏上無以罪之退謂左右曰汝曹湏作意此人

朕亦畏之

通鑑唐憲宗紀

韋思謙曰丈夫當敢言地湏明目張

膽以報天子焉得碌碌保妻子耶

唐書本傳

段志元與宇文

士及勒兵衛韋武門太宗夜遣使至二將軍所士及披

戶內使志元拒曰軍門不夜開使者示手詔志元曰夜

不能辨不納比曉帝嘆曰真將軍也周亞夫何以加

唐書

韋思謙曰耳目官固當特立鵬鶚鷹鸇豈衆禽之偶

韋思謙擢監察御史嘗曰御史出使不能動搖山岳震

懼州縣為不任職

唐書本傳

集城尉不弛柝

選西京賦

易角當觸邪

白侍郎

大厦如傾要梁

棟戮力效鷹鷂

杜詩

本朝視其硨磲者而安植之求其蒙茸者而疏理之

坡集

任怨

史子產使都鄙有章上下有服田有封洫廬井有伍大
人之忠儉者從而與之泰侈者因而斃之子產為政

豐登卷將祭請田焉弗許曰唯君用鮮衆給而已 鄭子

產作丘賦國人謗之子罕以告子產曰苟利社稷死生以之民不可逞度不可改詩曰禮義不愆何恤於人言

吾不遷矣

左

上曰近廣京城於存歿擾動誠多怨謗之

語朕自當之它日終為人利

通鑑五代
周世宗

本朝王曾為相常曰君恩若已出怨當誰歸

魏公
別錄

杜衍

字世昌慶歷四年拜相力止內降之敕時有權要干請者上曰朕內降不難然宰相行公正介執必不出敕或

有不得已而降旨行皆收之俟及十數即封還之上嘗

曰行助我多矣

名臣傳

歐陽脩尹京兆寵貴犯禁令必寘

於法雖詔命有所不從

言行錄

不勝任

經鼎折足覆公餗言不勝其任也

易

九載績用弗成

書

子匠人斲而小之則王怒以為不勝其任矣

孟子

史墮弱不任職

西漢息夫射傳

屋大柱小可為寒心

西漢李尋傳

集其不勝任者怒而退之亦莫敢愠焉

柳文

尸素

經尸厥官罔聞知

書

不稼不穡胡取禾三百廛兮不狩

不獵胡瞻爾庭有縣貍兮詩

無功而受祿處其位而

不履其事

記

子齊宣王好竽必三百人齊吹南郭先生不知竽者而

濫於三百人之中以吹食祿

韓子

主民翫歲而愒日

左愒苦蓋

反翫又作玩皆貪也

丞相取充位

西漢張湯傳師古曰但充其位而已無所造設也

曠職

尸官

西漢許后傳

持祿保位

西漢匡衡等贊

拱默尸素

西漢鮑宣傳

尸位

素飧

西漢朱雲傳

蹢蹢庶謹脩員而已

西漢曠貴最久

西漢史傳曠官

開曠貴

陳平笑曰君居其位不知其任耶

通鑑漢高后

馬肩孫

為中書侍郎時人目為三不開謂口印門也

通鑑五代漢高祖

盧懷慎與姚崇同為相自以才不及崇每事推之時人

謂之伴食宰相

通鑑唐玄宗紀

源乾曜拜左丞相李絃杜暹知

政事乾曜遂無叅議但唯諾署名而已

玄宗實錄

傳記徒彈太官之膳虛索長安之米

史通

集空食疲廊肆

選詩

濫吹非名實

選雜體詩

食焉而怠其事必

有天殃 月費俸錢歲糜廩粟子不知耕婦不知織乘

馬從徒安坐而食 家請官供不報答無異鼠雀偷太

倉韓集素餐無補益朱綬虛纏繞白集受若直怠若事柳丈

趨事赴功

經一乃心力其克有勲書豈敢定居一月三捷詩樂事

勸功記

子北面委質無有二心朝廷不辭賤軍旅不辭難韓子興

天下之大利除天下之大害荀子

史公家之利知無不為

左傳

自詭效功

西漢京房傳

擢臣巖穴

誠冀有益毫毛豈徒使臣美食大官重高明之地哉

西漢

鮑宣傳

邊境時有風塵之警臣宜被堅執銳當矢石啓前

行

西漢終軍傳

鄧禹曰但願明公威德加於四海禹得效其

尺寸垂功名於竹帛耳

通鑑漢平紀

范滂為清詔使登車攬

轡慨然有澄清天下之志

後漢本傳

王莽敗赤眉賊衆至鄧

禹引退師衆憚為後拒禹乃書諸將名於竹簡題其前

後亂着器中令各探之張宗獨不肯探曰死生有命張

宗豈辭難就易乎

後漢

祖逖劉琨並有英氣每語世事或

中宵起坐相謂曰若四海鼎沸豪傑並起吾與足下當

相避於中原

本傳

陶侃見諸參佐或以談戲廢事乃取其

搏菹博具以授于江

晉本傳

陶侃荊州刺史終日斂膝危

坐軍府衆事檢攝無遺未嘗少間嘗語人曰大禹聖人

乃惜寸陰至于衆人當惜分陰豈可但逸游荒醉生無

益於時死無聞於後是自弃也

通鑑晉武帝紀

隋大將軍麥鐵

杖謂人曰大丈夫性命自有所在豈能然艾炙頰爪蒂歟

自與治黃不差而卧死兒女手中乎乃自請為前鋒骨

肉皆天子所賜得效筋力豈敢有辭

通鑑隋
場帝紀

韓滉曰今

兩河無虞河湟二十餘州可復也其資糧之費臣請主

辦

通鑑唐
德宗紀

右僕射李靖以疾遜位疾小瘳每三兩日至

門下省平章政事詔大舉討吐谷渾上欲得李靖為將

為其老重勞之靖聞之請行上大悅

通鑑唐
太宗紀

錢鏐自少

在軍中夜未嘗寐倦極則就圓木小枕或枕大鈴寐熟

輒歌而寤名曰警枕置粉盤于卧内有所記則書於盤

中比老不倦或寐方酣外有白事者令侍女振紙即寤

時彈銅九于樓墻之外以警言直更者

通鑑後梁均王

集山甫勤於夙夜吳漢不離公門

選傳史論

爭先萬里途

鮑昭

東橋詩

男子本懸弧有志在四方

章應物集

志士中夜心良馬

白日足

賈闕仙集

避事

史縮肉

女六切

不任事之兒也

西漢五行志

袁粲身居劇任不

肯當事主事每往諮決或高詠對之閒居高卧


通鑑宋紀

謝

朏求出為吳興太守置酒數斛遺其弟淪書曰力飲此

勿預人事

通鑑齊
明帝紀



記纂淵海卷六十四